

幼科證治準繩卷之三

金壇王肯堂宇泰輯

心

錢心主驚

實則叫哭發熱飲水而搐虛則困臥悸動不安

心病多叫哭驚悸手足動搖發熱飲水

視其睡口中氣溫或

合面睡及上竄咬牙皆心熱也導赤散主之

心氣熱則心胸

亦熱欲言不能而有就冷之意故合面臥

心氣實則氣上

行瀉若合面臥則氣不得通故喜仰臥使氣得上下通也瀉心

湯主之

心病見冬火旺心勝腎也當補腎治心輕者心病退

重者下竄不語腎怯虛也

補腎地黃丸

治心瀉心湯

潔心主熱有病或大熱瀉心湯主之 實則煩熱黃連瀉心湯

主之 虛則驚悸生犀散主之 肺乘心邪微喘而壯熱瀉白

散主之 肝乘心虛邪風熱煎大羌活湯下大青丸主之 脾

乘心實邪泄瀉身熱瀉黃散主之 腎乘心賊邪恐怖惡寒安

神丸主之 **劉**凡心臟得病必先調其肝腎兩臟腎者心之鬼

肝氣通則心氣和肝氣滯則心氣乏此心病先求于肝清其源

也五臟受病必先傳所勝水能勝火則腎之受邪必傳于心故

先治其腎逐其邪也故當退腎氣益肝氣兩方或診其脉肝腎

兩臟俱和而心自生疾然後審其心家虛實治之 **薛**仰向臥

者因其心胸實熱故喜仰面而向虛也合面臥者因心胸虛熱

故喜合臥而就實也實則調治心肝虛則調補脾肺二者別之

盡其壯矣其咬牙等證多有雷同不必拘泥如用瀉心導赤等劑邪氣雖去而病仍作當調補元氣或反甚急溫補元氣其心氣冬見或亥子時病益甚或下竄不語者乃腎水虛而心火甚也用地黃丸其乳下嬰兒須母服之若叫哭發熱作渴飲水抽搐有力仰面而睡者屬心經實熱用瀉心湯導赤散若發熱飲湯抽搐乏力驚竄咬牙合面而睡者屬心經虛熱用補心散若喘嗽面赤壯熱飲水肺乘心也用瀉白散若搖頭劓目身熱抽搐肝乘心也用柴胡清肝散若合目昏睡泄瀉身熱脾乘心也用瀉黃散若竄視驚悸咬牙足熱腎乘心也用安神丸

海心苦緩急食酸以收之五味子

心欲輒急食酸以輒之芒

硝

以鹹補之澤瀉

以甘瀉之人參黃芪甘草

心虛以炒

鹽補之虛則補其母肝乃心之母以生薑補肝如無他證錢氏

安神丸是也

安神丸錢氏

治心虛疳熱神思恍惚

麥門冬

去心焙

馬牙硝

白茯苓

乾山藥

寒水石

研

甘草

各半

硃砂

一兩研

龍腦

一字研

右末之煉蜜為丸芡實大每服半丸沙糖水化下無時

八物定志丸

海歲

補益心神安定魂魄治痰去胸中邪熱理肺

腎

人參

一兩半

菖蒲

遠志

去心

茯神

去心

茯苓

去皮各一兩

硃砂

二錢

白朮

麥門冬

去心各半兩

牛黃

二錢另研

右爲細末煉蜜丸如桐子大米飲湯下三十丸無時

髓竭不足加生地黃當歸 肺氣不足加天門冬麥門冬五

味子 心氣不足加上黨參茯神菖蒲 脾氣不足加白朮

白芍藥益智 肝氣不足加天麻川芎 腎氣不足加熟地

黃遠志牡丹皮 膽氣不足加細辛酸棗仁地榆 神昏不

足加硃砂預知子茯神

心實以甘草瀉之如無他證重則瀉心湯輕則導赤散

瀉心湯

錢氏

瀉心

黃連

壹兩去鬚

右爲極細末每服一字至半錢壹錢臨臥溫水調下 海藏

云易老單方瀉心湯出於此乃實邪也實則瀉其子

導赤散

錢氏

瀉心小腸

生乾地黄

木通

甘草各等分

右同為末每服三錢水一盞入竹葉同煎至五分食後溫服

一本不用甘草用黃芩

薛瀉心散導赤散瀉心小腸實火之劑蓋心為脾母脾為心

子然心既病則脾土益虛矣用者審之

生犀散

錢氏

治心經虛熱

生犀

錯取末

地骨皮

自採

赤芍藥

柴胡根

乾葛

剉各壹兩

甘草

炙半兩

右為麝末每服壹貳錢水壹盞煎柒分溫服食後

薛前方云治心經虛熱其所用藥多屬瀉心瀉肝脾之劑虛

熱二字恐魯魚也如心經自病而血虛熱者用秘旨安神丸
脾虛奪心之氣而熱者用秘旨補脾湯肝木不能生心火而
虛熱者地黃丸

秘旨安神丸 治心血虛而睡中驚悸或受驚嚇而作

人參

橘紅

半夏

酸棗仁

炒

茯神

名壹錢

當歸

酒洗

赤芍藥

炒各五分

五味子

五粒

甘草

炙叁分

右爲末薑汁糊丸芡實大每服壹丸生薑湯化下

發熱

辨證錢風溫熱壯熱相似

潮熱時問發熱過時卽止來日依

時又熱此欲發驚候也

壯熱者一向熱而不已甚則發驚癇

也風溫者身不熱而口中氣熱又有風溫證者但溫而不熱

傷寒熱口熱呵欠頓悶項急

會云傷寒熱十指稍冷鼻流清涕發熱無汗面慘凌振右肥有

紫紋

痘瘡熱噴嚏悸動耳尖冷

會云麻豆熱而赤足冷身發壯熱呵欠頓悶咳嗽腰疼時或作

驚腹痛自痢及中

變蒸熱脣上白泡珠起耳冷

會云變蒸熱溫溫微熱氣

驚驚少兒乳瀉黃上脣尖有小泡如

疳熱面黃喫炭上羸瘦

鼻下赤爛

驚風熱發搐悸癰脉數煩躁顛呌恍忽

會云驚風熱徧身發

熱面光自汗心悸不寧脉數煩躁治法與急驚證同所用藥餌必先解表

楊小兒之病惟熱居多

夫熱有潮熱驚熱夜熱餘熱食熱疳熱煩熱壯熱積熱風熱虛

熱客熱痺熱寒熱血熱瘡疹熱十六者大同而小異熱之始發

必有所因也其潮熱發歇有時驚熱顛呌恍忽夜熱夕發旦止

餘熱寒邪未盡食熱肚腹先發疳熱骨蒸盜汗壯熱一向不止

煩熱心躁不安積熱頰赤口瘡風熱汗出身熱虛熱困倦少力
客熱來去不定夾熱延救飲水寒熱發如瘧狀血熱辰巳發熱
瘡疹熱耳鼻尖冷諸證得之各有所歸其間或有三兩證交互
者宜隨其輕重而虛治之

薛小兒之熱有肝心脾肺腎五藏
之不同虛實溫壯四者之不一及表裏血氣陰陽浮陷與夫風
濕痰食各當祥之心熱者額上先赤心煩心痛掌中熱而熾或
壯熱飲水巳午時益甚肝熱者左頰先赤便難轉筋尋衣捻物
多怒多驚四肢困倦寅卯時益甚脾熱者鼻上先赤怠惰嗜臥
身熱飲水遇夜益甚肺熱者右頰先赤手搯眉目喘咳寒熱飲
水日西熱甚腎熱者頰下先赤兩足熱甚骨蘇蘇如蟲蝕熱甚
不能起於牀夜間益甚仍當辨其虛實實則面赤氣麤口燥唇

腫作渴飲冷大小便難或掀衣露體煩啼暴叫伸體而臥睡不
露睛手足指熱宜用表下虛則面色青白恍忽神緩口中虛冷
虛氣軟弱喜熱惡寒泄瀉多尿或乍涼乍溫怫鬱驚惕上盛下
泄夜則虛汗屈體而臥睡而露睛手足指冷宜用調補壯熱者
肢體大熱熱不已即發驚癇溫熱者肢體微熱熱不已則發驚
搐陰虛則內熱陽甚則外熱以手輕捫之則熱重按之不熱此
皮毛血脉之熱熱在表也重按之筋骨之分則熱輕手則不熱
此筋骨之熱熱在裡也不輕不重按之而熱此肌肉之熱熱在
表裡之間也以虛實分屬表裡而言之壯熱惡風寒爲元氣不
充表之虛熱也壯熱不惡風寒爲外邪所客表之實熱也壯熱
飲湯爲津液短少裡之虛熱也壯熱飲水爲內火銷燬裡之實

熱也若夫內外皆熱則喘而渴齒乾煩寃腹滿四肢熱逢風寒如炙於火能冬不能夏是皆陽盛陰虛也脉尺寸俱滿爲重實尺寸俱弱爲重虛脉洪大或緩而滑或數而鼓此熱盛拒陰雖形證似寒實非寒也熱而脉數按之不鼓此寒盛格陽雖形證似熱實非熱也發熱惡熱大渴不止煩躁熱不欲近衣其脉洪大按之無力或兼目痛鼻乾者此血虛發躁也當補其血如不能食而熱自汗者氣虛也當補其氣仲景論內外不足發熱自汗之證禁不可發汗如飲食勞役雖病發熱誤發其汗則表必虛也身熱而汗出者風也發熱身疼而身重黃者濕也增寒發熱惡風自汗脉浮胸痞者痰也發熱頭痛脉數者食也寸口脉微爲陽不足陰氣上入陽中則惡寒尺脉弱爲陰不足陽氣

下入陰中則發熱陰陽不歸其分則寒熱交爭也晝則安靜夜則發熱煩躁是陽氣下陷入陰中也晝則發熱煩躁夜則安靜是重陽無陰也當亟瀉其陽峻補其陰至若身熱脉弦數戰慄而不惡寒者痺瘧也發熱惡寒脉浮數者溫病也若四肢發熱口舌咽乾是火熱乘土位濕熱相合故煩躁悶亂也若身體沉重走注疼痛乃濕熱相搏風熱鬱而不得伸也

五藏熱錢肝熱手尋衣領及亂捻物瀉青丸主之 壯熱飲水

喘悶瀉白散主之 薛肝熱者左頰先赤便難轉筋多怒多驚

四肢困倦寅卯時益甚宜瀉青丸柴胡飲子

心熱視其睡口中氣溫或合面睡及上竅咬牙皆心熱也導赤

散主之 心氣熱則心胸亦熱欲言不能而有就冷之意故合面臥

薛心熱者額上先赤心

煩心痛掌中熱而熾或壯熱飲水已午時益甚宜瀉心湯導赤散安神丸

脾熱則目黃肚大怠惰嗜臥身熱飲水四肢不收瀉黃散主之

薛脾熱者鼻上先赤其熱在肌肉遇夜益甚

肺熱手搯眉目鼻面甘桔湯主之咳嗽寒熱壯熱飲水涼膈散主之若肺虛熱脣深紅色少服瀉白散

薛肺熱者右頰先赤

日西熱甚輕則用瀉白散重則用涼膈散及地骨皮散

腎熱兩足不喜衣覆地黃丸主之

薛腎熱者頰下先赤兩足

熱甚骨酥酥如蟲蝕熱甚不能起於牀夜間益甚宜用滋腎丸

瀉青丸

見肝藏

瀉心湯

導赤散

安神丸

並見心藏

瀉黃散

見脾藏

瀉白散

見肺藏

梔子清汗散

一名梔子散

治三焦及足少陽經風熱發熱耳內

作癢生瘡或出水疼痛或胸乳間作痛寒熱往來

柴胡

梔子

牡丹皮

茯苓

川芎

芍藥

當歸

牛蒡子

甘草

右水煎服

柴胡清肝散 治肝膽三焦風熱怒火或乍寒乍熱往來寒熱

發熱或頭發瘡毒等證

柴胡

黃芩

人參

川芎

山梔

連翹

甘草

桔梗

右水煎服

柴胡飲子 解肌熱蒸熱積熱或汗後餘熱脉洪實弦數大便

堅實

黃芩

分柴

甘草

分肆

大黃

分捌

芍藥

分柴

柴胡

人參

分各伍

當歸

錢壹

右每服壹錢薑水煎

龍腦飲子

此瀉肝經熱可代瀉黃散用治小兒蘊熱咽候腫

痛赤眼口瘡心煩鼻衄咽乾口渴睡臥不寧及除痰熱咳嗽

中暑煩躁一功風壅

甘草

肆兩

大梔子

壹兩

藿香葉

半兩

石膏

壹兩

縮砂

括藹

各柴錢半

右爲末每服壹錢蜜水調服不拘時治傷寒餘毒潮熱虛汗

竹葉煎服

滋腎丸

治腎熱

黃栢

酒拌炒

知母

錢貳

肉桂

分伍

右爲末熟水丸桐子大每服二十九至三十九食前百沸湯

下

實熱小兒實熱者頭昏頰赤口內熱小便赤澀狀如豆汁大便

堅韌或祕澀不通腹急宜四順飲子大黃朴硝湯八珍散畧按

動臟腑卽安

楊實則面赤濃黃氣麤口熱燥渴脣腫大小便

難掀揭露衣煩啼暴呌宜四順清涼飲加柴胡薛氏又有伸

體而臥睡不露睛手足指熱等證按實中宜分表裏表實宜

汗裏實宜下半表半裏宜和解今一以利下爲主非通論也治